

悅
親
樓
詩
集

悅親樓詩集卷二十五

壬子

海寧祝德麟止堂

古今體詩九十五首

壬子立春日赴吳門舟中作

枯坐終年老學庵，幾逢佳士得深談。
春心已逐條風轉，晴色偏於客路貪。
雙鬢飄蕭青草笑，五湖浩蕩白鷗諳。
銅坑萬頃堆香雪，擬約騷人載酒探。

謁甌北師於毘陵適夢樓亦自京口至賦呈二
十韻

訪戴輒放船，思嵇爰命駕。
汎抱造請懷，兼值輟講暇。
條風入柳枝，淥水渙冰泮。
方鼓枻濟河，似騎驢涉灞。

途中遇雪

裹糧三日羸到門一帆卸預愁蹤蹟左竟辱庭階近先
生龍馬姿一代詩文霸老更有精神筆能迴造化古人
相揖讓餘子受陵跨獨於樗櫟材謬許璠璣價感深愧
實多別久會難乍遂令積歲思不因遠道罷勇往無關
梁滿志瞻泰華阮咸猶健飯令姪絨齋今年政七十蔣詡更連舍
庵粲然眾星羅瞥爾一鶴下良晤意不期奇緣天所借
虛名安足寶老境漸可怕各全物外身免出少年勝師
友偶逢迎萍蓬暫依藉緋纈我則維醺醪公其貰

與夢樓聯舟過無錫同訪惠泉遂遊秦氏寄暢

園五首

一面緣難料相逢喜不勝江湖隨夢遠齒髮感秋增戒

酒嫌蘇晉

夢樓長齋

方舟得李膺遊資端不負佳話紀延陵

頻年過九龍矯首望雲松未踏石頭路空聞烟外鐘靈泉空試茗幽興約扶筇纓已無塵濯聊尋陸羽蹤

嵐翠霏霏滴淙泉瀼瀼流名園誰結構高士此優游山水不須假林亭難在幽堪憐方丈地曲折耐人求

牆根一片石不丈却爲姝嫋嫋如垂手亭亭豈望夫藤

花作瓔珞芳草當氍毹甲乙誰能定奇章宅裏無

園中

人石

絕句

愛竹不忍去問梅猶未開坐聽琴筑響合引雅騷才勝地非難到斯人獲重陪飄然來往意杖屨亦悠哉

蝨蟬

許端公穆堂近有戒人食蝨蟬文余廣其意而爲之

海錯費搜羅食經煩論討命名同蝨孽結體乃蟬擾雙
蠍略自具八跪初非少所嗟細已甚孰謂強哉矯凝膏
亦黃中分命同白小笑蜎納諸腹學螭堆作島海人云每獲必聚結成團散則無從撈捉也撈漉候春潮提攜趁市曉無從辨尖圍
漫欲商蒸燭登槃等嚼蠟入筯疑撮蚤空勞點酒腥詎
復加餐飽人生爲旨蓄百計窮魚鳥尋求遍幽隘戕賊
到微眇所以警世文出自談禪老欲除饕餮殘先禁網
羅巧事當絕其源語必衷諸道一蟬復一蟬安足計醜
好

花朝微雨

旅館惟愁伴良辰與願違春遲花信閣市近鳥聲稀無

地攜遊屐何時換，袷衣天公多醞釀。一雨發新機。

過超果寺

綠竹紅牆郡郭西，新晴步履過招提。平橋蕩漾雙匳鏡，
飛觀高寒百級梯。林外偶聞吠花犬，牕前閑立聽經鷄。
老僧盞飯終朝了，不省人間有笑啼。

二月望日鶴霄招集飛鴻堂賞古梅同荆陳兩
教諭

昔聞蜀苑誇梅龍，誰其傳者陸放翁。千年鱗甲竟未化，
飛來海上張園中。園中花木都秀野，得此一掃凡葩空。

園卽以梅名

雨餘正思索，一笑有客招我登飛鴻。未升堂已

先見花高低，眩轉交檐牙。

花在堂後

窺簾妝額定，成隊十株

悅親樓集卷二十五

三

五本疑橫斜豈知一樹獨中踞主人蜂蝶同爲家空庭
壁破尚張王轉恨廊廡多闌遮茲花夙耐冰霜苦性格
孤高貌修古有齊淑女靜且莊肯學腰支楊柳舞胡爲
此地蒿絲垂披拂苔階穿繡戶人言姑射本綽約我見
箕公但媚嫵老幹自欲鬪蛟蚪纖條若不勝風雨遠行
猶有暗香隨環囑無非精氣歆酒酣海月升碧天滿庭
疎影流華筵老子枯腸作鐵石素娥幽意爭嬋娟冰心
玉骨合誰賞正宜山澤臞儒仙便傾百斛未爲足明朝
落片深於氈不見牆頭作記人須臾變滅隨朝烟壁間
有石
刻黃唐堂
所作記夜分欲去重歎惜化作蝶魂花底眠

立庵同年自常州寄示二律極道向者會合之

奇前詩未盡鄙意仍次韻奉酬

朋尊纔倒敲春筵便放梁溪訪客船琴鶴歸來貧太守

冰霜歷過老同年關心不爲山泉濁

君久無出山之興

會面如

逢璧月圓借得酒杯介眉壽世閒元有地行仙

綴齋七十一正值

其壽辰

立到師門雪片麤無端客至自丹徒德星渾訝荀陳聚

良玉真慙岳湛俱白髮頻年期會合

來詩有後會銘心海月圓之句以余

有明春再訪之約也

青氈依舊守羈孤憑君寄我清詩句重爲肝

腸一潤枯

題馮吳泉太守

鼎高

秋釭補讀圖

補過乃盡忠補偏卽救弊治術固多端要可一言蔽至

于學問途淵海浩無旣如農藉耕芸如商貴居積古人
破萬卷方足資康濟及操尺寸柄仍弗廢講肄世俗不
信古仕學歧而二周孔借捷徑通籍輒拋棄豈惟志怠
荒轉以儒爲戲立其舉措閒動多塵俗氣三山大馮君
同余舉秋試余時纔弱齡目略識丁字君亦未有髭便
便富腹笥脚踏槐花黃早裕公輔器一朝出臨民九達
騁神驥學道故愛人稟經以節治借茲宏通才歷試盤
錯地淞江闊澤畱茂苑頌聲繼吳趨實大都領袖羣有
司廚傳勞送迎簿書苦填委日力不暇給宵分未成寐
偷閑却伏案一點秋燈穗炯然注雙眸歌聲出戶外似
嫌探討淺而復漁畋恣豈不賢撝撝豈不勝粉黛惜陰

必以分好學近乎智底須說韋白安用援霸遂卽此卓
犖懷可以風有位餽生素謝劣繆習雕蟲技椽燭修官
書藜火窺中祕昨春興盡歸衡茅辱聘幣我來君已徙
輾轉若相避卽今听鼓徵抗顏爲譚藝舊得旣昏忘新
知又茫昧案頭乾死蟬空食箇中味縱補補已遲日課
羨童穉厭倦敢或萌鑽研徒自累欲將攻苦業併讓廉
平吏儒林及循良合傳原一致伊人隔帶水展圖渺餘
思清香畫戟閒涼月碧梧際所讀是何書就君問大義

院中玉蘭樹下放歌

去年虎邱看玉蘭花光山勢爭巘岼自從陟岱小天下
其餘瑣細不足觀吾家詒美堂後一株雪枝幹將近二

百年

家司空公第也

堂空燕子已無主瓊瑤十斛委道邊吳淞

主講始昨歲到日一樹剛開殘今春二月又秀發簇簇

萬朶喬柯攢此樹雖低亦三丈特立未覺中庭寬滄桑

坐閱幾家破寂寞長伴風騷壇

此屋再經籍沒近始改爲書院

老夫垂

暮惡白頭獨此頭白方嬋娟月中綈袂出皎皎風前玉

佩來珊珊貌如薺荷較肥膩意與梅格矜高寒似嫌側

生及倒挂花頭一一齊朝天可憐胎孕幾匝歲

此花隨落隨綻

新苞祇供三日遊入看預愁來朝雨打損苦無獺髓能醫

癡吾生萬事盡銷歇蕭閑獨與花爲緣從今賞翫更幾

度繞樹才不還三歎人門興替安足道爽鳩之樂誰能

專借花飽看亦奇福儼然作主何媿焉

雨夜料簡舊文書有感

雨急燈昏此夜情
自收書篋數殘更
從今休說林巖淺
朋舊誰來訪死生

雨霽掃花

徹夜雨淅淅開牕曉
色侵祇疑殘雪積
不道落花深
僮力何須省蜂聲已莫尋
一般娟好質頓異愛憎心

歸舟書事

又近龐公上冢辰
征途景物逐深春
菜花細鬪桃花豔
柳水遙連浦水新
生際承平閑可恥
話從鄉社樂偏真
故巢倘有飛來燕
暫向空堂認主人

舟中卽目

笠澤松江路清明寒食天楊花沾酒店桃浪隔泥船黃
入桑芽嫩紅鋪茜草鮮仙源隨處是何必武陵緣

南湖

沙鳥避人去輕舟來往中非烟常縹緲不雨亦空濛景
物隨時改詩情到此工湖邊雙釣石安穩占溪翁

抵家日葆光居海棠正盛開

海棠一發春滿家坐令百卉無光華文杏尙然媿巖俗
穠桃得不羞妖邪昔年仗節入梁益錦城正值吹秋笳
燕王宮苑遍荆棘徘徊弔古空咨嗟長安城西唐代寺
錦天繡地眞豪奢那辭塵土染衣袂年年轉動雙輪車
家有好花不得看歸田何異仍天涯吳淞返里恰寒食

啟扇蜂蝶紛喧譁，慕嫌庭宇太樸陋。柴門亦自藏筭珈，
明妝薄醉相媚嫵。輕風暖日交留遮，燈前濛濛落絳雪。
雨後爛爛流紅霞，不殊皇都穠豔色。底用蜀客談三
巴，牡丹含苞尙未坼。前驅安敢煩名葩，神仙富貴各有
分。作詩寄向朋寮誇，花譜以海棠爲花之神仙

連日同堂家讌紀事

族黨皆可親，密邇況同室。爲憐遊子歸，歡讌約排日。
二盞可用享，三爵未妨溢。觴酒豆肉間，此意最眞率。
列坐無主賓，弟兄兼叔姪。少者及髫髻，長者迫耄耄。
畫家風幸未替，祖德猶堪述。相與話桑麻，未足悲齒髮。
嗟余千寸祿，才行媿薄劣。蹉跎負半生，及此慰契闊。
角弓教胥效

乾餼德無失奈何流俗人同氣等秦越

葆光牡丹不見十餘年矣昨以寒食掃墓旋里
距穀雨稍遠爲花多畱數日然不及待其盛也
臨發作四詩誌媿時壬子三月二十有八日

待花

祭埽事已畢禮苞猶未開報子寧國莽遲爾且徘徊國
色原難覩清尊久欠陪那云停講鼓不爲看花來

催花

且住爲佳耳晨昏繞石闌但烘晴日麗休怯曉風寒羯
鼓何須擊金鈴尙未安花神能省鑒試手畱畱難

賞花

似較尋常早開先
穀雨辰玉妃窺曉鏡
彩鳳舞香茵
合睽名酒人言爲主人
空庭堆錦繡
誰笑我家貧

別花

千朵開纔半
恩恩違解維
飢驅眞媿爾
吟賞定教誰
晨起香尤遠
雨餘頭正垂
臨行重去聲回顧
揀取篠竿支

禾中過范大夫祠三首

傳是載西施從入五湖處見郡志

中道生兒事必無
當年處子入吳都
鳴夷未定夫妻分
爭便相從去五湖

鳥盡弓藏慮患深
君王枉自鑄黃金
五湖烟水連天闊
不與南陽宰共禽

金明寺裏大夫祠
水榭紅闌俯碧池
只有蓮花似人面

年年花發想西施

楓涇道中二首

輕風送魏塘枕席鳴波響去船候潮落來船待潮長烟
翠溼濛濛漁人乍收網

田野農事興壯夫已畢出戎戎豆莢肥黯黯柳陰密花
信風欲闌牆根開木筆

塔射園讌集

西林

寺名

一塔如卓筆影落園池波面出云是叶仙所命

名園先塔後徵奇謫經營初爲許氏莊易主今屬清河
張客淞匝歲未一到衡宇面背原相望入門古藤壓修
竹綠陰遮覆深於屋紫絲步障敵齊奴百道流蘇懸複

潸潸涓涓淺水小橋邊窈窕軒櫺絕可憐一禽啼喚聽何
熟曾是曉牕驚我眠莓苔滑礙芒屨步曲磴危厓尋細
路聳身直上鶴巢顛欲望九峯隔烟霧此間大是棲心
地位置隆涼初不易百年亭榭故家風四壁圖書名士
氣昨日沈園賞牡丹紅苞紫萼映雕闌穠姿已恐風吹
盡弱質俄看雨打殘主人有酒且莫惜眼見藤花又狼
藉窄堵斜陽瞥上天一鉤新月當牕白

四月十五日立夏是日雷雨

番番花事落復榮流鶯對我啼有情只道陽春九十日
一十五日韶光增今朝酌酒送春去未知春向何方行
祝融秉節司號令前驅已是鳴雷霆似嫌郊原脂粉氣

一雨洗換香泥膝世俗立夏亦盛節甌瀾碧茗盤堆櫻
長綆縛作鞦韆樣巨衡挺挺將人稱風俗於立夏稱人
云健爽不疰夏
老來自知筋骨懈未暇與人權重輕閉門欹坐綠陰下
引盃自酌無由醒

題顧介石鉅讀書圖

人生境迭遷至樂惟髻髻捧書隨諸兄出入雁行內愛
日蔭正長放學習跪拜洎乎昏宦後世網漸牽望變故
或交乘俛仰更多累有書未暇讀讀亦復少味東吳顧
文學所以作此畫當其全盛日一室何融洩春令方在
原萱草言樹背萊舞九十辰斯願豈易遂欣戚轉瞬閒
蔗境不可再已悲棣鄂凋復痛蓼莪廢回思少壯時光

景如夢寐轉從危苦中寫出優游意世俗行看子只取
風月寄憐君至性敦可以教孝弟誰無色養日孰到期
頤歲徒令孤露人撫卷橫去聲流涕

次韻答百菊溪見懷之作來詩有意勸駕故次
章及之

九峯如黛插嶙峋攀陟何從望故人忽枉書因南國使

書從瓜州
漕使郵致

最關心是北堂春

母夫人
方健在

祥琴乍鼓弦無韻

好句爭傳筆有神記得團團牛磨坊達禪橫榻且安身
時服闋將補官君前任京畿道御史今之京畿卽古知襍事之職也

壯日飛騰志願虛漸回心地向三車懷恩尙拭雙行

泪投老終憑一卷書空館閉門花事盡荒畦鋤菜雨聲

疎不成叢笠烟波客重睇金閨羨佩魚

燕來巢

辛苦啄芹泥巢乾乳亦齊寄人檐下味與爾且同棲

初夏幽居

歲閏夏猶淺日長天正暄呼僮勤洗竹爲燕早開門耳
有書聲熟心無世事煩誰人能送酒愁絕倒空尊

送假婁令顧咸九

德昌

還山陽任

客裏難逢政似春生同鄉社倍情親明知別路無千里
已覺歡場少一人榻埽每緣徐孺下醴空猶爲穆生陳
湯湯淮水魚鱗賸莫忘臨流尺素頻

爲我一日畱贈簡齋前輩

十二讀公文二十誦公詩讀文在黨塾誦詩在京畿安
得如斯人容我長追隨盟心竊自覲見面未可知閱歲
次戊戌銜憂返荆扉執友王夢樓下榻辱繫維我與談
恨事太息良緣乖話言未及了剝啄聲喧阗問客從何
方云是袁盎來如夢喚初醒拍牀叫絕奇但得一握手
那惜邂逅遲從茲頗自負已識元紫芝會難別太易往
復憑書辭寄書每不達南北徒相思春秋十度換薄宦
初解龜歸舟抵邗江謁我甌北師壁閒黏素紙細讀乃
公詞索人生挽句逝將告別期使我魂夢驚豈公有先
幾明知荒幻語日日生猜疑嗣詢李太守寧健飯如常
時此老人中龍變化無端倪天公置度外聽其人間嬉

不到蟠桃熟未必有召之聞此意方釋思復接容儀聞
夏梅雨歇鵲噪庭樹枝邊韶睡正美李膺舟忽移籃輿
經惠顧顛倒披裳衣觀者如堵牆婢媼皆竊閱主能致
神仙當亦非凡胎爲我一日畱夏足感交私雲閒諸佳
士聞風競趨陪雙眸爛巖電一笑麾林樵論詩鬼破膽
說士人揚眉復談遊歷境堂上起屣屣旁及烟花趣香
風吹鬢絲憐才好色心愈老愈不衰見有此客不四座
咸解頤自余來此地風雨歎孤羈足音聽楚然便增空
谷輝况復南極星下降江之湄追攀雖不能庶足慰輶
飢退閑無事業躬耕謝鋤犁惟此長吟興以爲送老資
敝帚敢言享南車藉指迷垂白喜再逢非公尙誰歸

時

拙稿
就正

簡齋歸娶圖二首

才名遠魏生花管佳話同傳合卺杯一據宮袍天殿馬
翩翩新自日邊回

翰林此例幾人同近有中丞遠相公今日鹿門車共挽

恩榮猶憶舊春風

百年已來詞館者溧陽史文靖公

恩假歸娶余所知

海鵬衣園侍郎無錫稿相國秦芝軒開

府李松雲太守簡齋及余八人而已

張悔堂明經

典載

隨園舊賓客也昨招其陪飲

翼日以詩來謝答之

前街後巷接檐衡濁酒牆頭枉寄情千里忽驚陳寔至
一尊纔伴孔融傾春風入座談鋒俊明日投詩句法清

家學只疑誇鳳羽豈知絡秀有才名

時以其生母汪佛珍所著遺稿見示

汪秀峯 啟淑 自新安至三首

黃山雲滿袖攜向澗湖隈袁淑昨朝去汪倫今日來足

音聽可喜心事語無猜昨歲尋蹤蹟寒梅枉自開

余來松卽

訪君而未至

刻苦渾忘富勞謙不有身印藏秦漢古刀奏籀斯神詩

律商前輩談鋒壓眾賓爲憐香茗句不惜採芳頻

君工鐵筆

藏古印至三千餘方采閨秀詩刻集成八十卷

野鶴任飛翻綿潭館自杼莫嗤三窟狡獨擁百城尊

君藏

書最富

詔求遺書日獻書數百種特邀

恩賚

家事

未禁斷奔波寧憚煩春明舊時話聊與把卮論

長夏遣興四首

休嫌身世尙飄蓬，占斷吳淞作釣翁。
舊史讀來憐袞袞，草書遺去惜怱怱。
衣裳黻潤梅黃雨，窗戶開關舶趠風。
稍待高秋涼月滿，醉攜鐵笛泛垂虹。

疎簾面面敞軒楹，布韞芑鞵脚底輕。
飯罷睡魔如有約，客來棋局不求贏。
銅盆硯汲新泉浴，石銚茶然活火烹。
蝴蝶一雙棲露草，下階閒步亦無驚。

新蛸委蛻託喬柯，風露高餐羨爾多。
莫倚吟聲同沸鼎，也防怒臂等操戈。
誰家門徑娟娟竹，那處池塘豔豔荷。
但得納涼銷暑地，不論相識便相過。

注檐三日雨聲幽，十丈湖烟壓畫樓。
瞥見樹頭閑木筆，

生憎牆角上蝸牛，桔槔不用農心喜。蔬菜將空，客意愁傳道京畿遲降澤，蠲逋赦罪。

主恩稠

合家

蕭散頭銜可不拘，郎爲浪漫叟爲迂。奴書扇似千行蚓，婢學歌無一串珠。對酒孺人能鼓瑟，背燈嬌女善投壺。合家染就憨癡習，不識人間富貴途。

阿慶

阿慶我女孫，晬日甫一周。晨牕百舌叫，學語同嘈啾。晚庭方獨酌，婢抱來嬉遊。啼笑變頃刻，悲喜不自由。餌以盤中物，食罷還有求。倘非意所欣，推手搖其頭。乃知嗜

欲動亦本天機流汝姑漸長成汝穉足銷愁梁閒新燕子哺乳力不畱羽毛幸已乾翻飛何所投

寧圃太守招集馮氏澹園觀荷會者二十人以工部落日放船好二聯分韻得日字

故人如清風當暑去煩鬱好花如故人一見百憂失雲間古上腴太守今賢哲文翁化已美山公興尤逸花中愛君子選勝趁暇日但問有荷處芳尊便安設馮園一畝池千柄參差發雲錦照淪漣露香沁毛髮使君珂蓋屏大將弓刀撤樹齋軍門堂上青琅玕門前紫叱撥談天或捉麈較射幾貫蝨踵接來俊髦坐深半耆耄招邀眾所羨邂逅意難必翥鶴下盧鴻帆風送王勃

是日盧抱經學士及宋公

子湘不期自蘇州至皆與會

天公亦解事雷雨驅炎熱翠蓋亂田田

明珠走瑟瑟庖烟柳外溼飲具竹邊潔主誇賓佐盛客
歎懽懽密禮法未敢疎終筵猶秩秩隔座諸少年拇戰
致超忽淋漓杯盤倒放浪巾衫脫相形覺頽唐相看却
坦率從來良譙會所要人傳述一字一驪珠依次拈杜
律非無催詩雨各有生花筆惜哉瑪瑙盤脔藕無人雪
樹齋軍門手書詩筵見遺奉答一篇卽用其新

安山行韻

文昌天上將武庫胸中寶豈期驥德良而出虎臣矯家
世本通侯賞延致身早脩然驚鶴姿出入雲霄表

紫微備宿衛清切爐烟繞

君世襲子爵充乾清門侍衛

假節莅海邦

威聲壓魚鳥承平無戰伐報國丹心皎說禮敦詩書
方知謀帥好荊州老都督裘帶非草草何嘗廢韜略乃
復富文藻今年大簡閱士卒皆鷹爪玉帳挾秋霜牙璋
落春曉鳴笳新安江按轡皖公道山川與才思映發兩
工巧歸囊無一物滿貯紀行藁深藏偏若虛苦索不嫌
擾一出乃驚人居然風格老由來宏達器才大心益小
腐儒守章句冬烘笑頭腦訂交恨已晚猶得傾懷抱手
中湘竹扇墨瀟淋漓飽奉揚有仁風何愁炎日杲頗聞
西陲醜聲罪王師剿振旅將洗兵銀河水浩渺將軍
但臥鎮句法憑搜討容我細論文提壺就竹篠

奇麗川開府來淞閱視海塘往還未得一面追

送一章代簡

江南富庶邦開府崇高秩所任或非人養尊每簡出公
初領大藩民安吏亦悅

帝心早深注坐鎮授旄鉞徐河而松海保障賴堤塹衝
炎歷海堦拜命未十日停畱慮驛騷已事輒遄發知
者急先務勤求此一節陽春脚漸展國醫手善活慎始
必圖終勳施看炳蔚賤子闕倒屣光輝照蓬華疎慵拙
伺候水次空投謁却蒙眷眷懷地主共傳述咫尺金閨
門何由奮羽翮追攀已莫及短章慙契闊歌功勒名山
他時更濡筆

雨窗懷寧圃于役吳門

蕉窗敲雨淨無塵危坐翻思鞅掌人已把新詩過日好
承以近著見質絕憐嘉果冠時新連日有鮮荔水蜜桃之惠炎天結束煩冠
帶客路逢迎假笑顰何似酒濃涼吹近相從一醉習池
濱

夜夢亾兒沐郎詢之老妻知爲其亾日也

我去遼東爾命休全家南返再經秋
褰門焉得三珠樹終古同歸一貉邱
枯骨拋殘塵漠漠剛腸迴斷夢悠悠
經書忽聽鄰兒誦猶對山妻泪暗流

夢樓遊杭屢有來淞之約而卒未果因寄一絕
杏花約到芰荷開有底句畱不放回
見說白龍潭外水一潮纔去一潮來

長歌行

洛陽城外大道周北邙山勢盤嵒嵒
枯墳蕪莽四百里
纍纍白骨皆王侯當時華堂坐食肉
眼前快意惟恩讎
一朝牽絛薤歌送親戚骨肉難遮
畱幽宮永閉人事絕
歲運那知春復秋黃蒿叢叢刺天長
上聲白楊葉葉鳴風
稠狐狸晝鳴麋鹿坐陰燐滅沒隨
鴝鵒夜深出弄碧蘿
月顧視城郭皆墟邱摸金校尉闐然至
珠襦玉碗遭攘
捫行歌躑躅來牧豎漸見一塹侵鋤耰
徒然燁赫耀青
史齒髑髏土同浮休昔人已矣今人代
今人閱世仍蟬
蜋田文雨泣聽琴操莊生至樂談髑髏
聖賢植德在知
命二子得失較孰優蓬萊三萬八千丈
多羅二百四十

弓

音膠

癡人求仙夏學佛松喬摩竺誰爲儔不如劉阮日

飲杯中酒能銷萬古之憂愁任運冥懷與物化馭空浩
氣偕天游何爲低眉折腰事齷齪身隨燕雀長啁啾嗟
乎哉身隨燕雀長啁啾君不見北邙山頭纍纍白骨皆
王侯

雨停

雨停仍急灑日出乍輕陰門外秋聲到樓頭涼意侵畫
梁雙燕溼高樹一蟬吟獨客蕉窗下焚香理舊琴

疎放

疎放常違俗清羸半坐詩曉涼貪角枕午暑改織絺咽
露蟲聲苦吟風葉意危那當搖落日無意念交知

盧抱經學士掌教常州寄示重遊泮宮詩索和

二首 盧時年七十有六

新進羣推大父行恰如成佛認初桃佩衿猶憶童年色

芹藻重尋泮水香晉絳縣人輸甲子魯靈光殿賸文章

白楊作柱青衫老除却袁絲孰頡頏 簡齋前輩十二歲舉秀才先於丁未

行此典

某水邱曾遊釣頻宮牆再到一番新早爲江夏無雙士

佇作瓊林第六人 國朝重赴瓊林者五人滿洲徐文定公深陽史文靖公宛平黃崑圃先生

新建熊涿齋先生及今無錫嵇相國施帳馬融除女樂傳經劉向領儒

紳不才也忝童蒙雋未必他時步後塵 余入學時亦年十六

秀峯以機鞵歛墨見餉戲作二首報謝

五十雖就衰未覺雙脚重乍辭紅塵污欲鼓青山勇
樓毛織綺文一兩故人寵行穿麋鹿羣誰趾接我踵
平生被墨磨墨盡輒復歌客卿笑主人坐此長困苦君
亦勤著書餘事畫眉憮分我一丸螺案閒對老姥

露坐

驕陽去庭院呼僮汲井水持壺倒噴灑珠顆遍泚泚稍
乾設繩牀手葵足草履綌衫披且曳欹側隱囊倚新月
巧作弦流星疾於矢明河澹雲表清露墜葉底飛螢自
開闔吠犬半邨市螢聲漸近牆燕意欲辭壘素秋景物
換際此金商始新機不出陳流轉便可喜浮生歎羈旅
久客當鄉里敢云輕利達庶幾遠塵滓小僮倦觸壁漏

鼓鳴不已風吹透體涼就寢夢魂美

接葉亭圖後題

并序

曩官京師日居接葉亭畫有橫卷乃與秋帆庶子
蓬心舍人小飲待月偶然作也時爲丁亥閏七月
望日題詠自太傅錢文端公而下凡數十家哀然
巨觀歲久破損重付吳門裝潢家主者潛以質金
已爲他人有矣訪求一年而後來歸喜故物之重
完慨良緣之不再作詩識諸卷尾

雲烟過眼無定姿楚人失弓楚得之象犀珠貝尙爾爾
安論故紙書畫詩昔官長安居接葉一雙鷗鳥常相狎

謂畢王
二公

良辰美景偶圖成襍樹風聲鳴笳斯亭閣主

已多人此畫收藏廿六春攜到江南雲水窟猶畱日下

雪泥痕殘纔愛惜重

去聲

裝裱玉軸牙籤修飾好忽被黃

金竟攫齊豈期全璧仍歸趙細數分題四十家半登鬼

錄半天涯公卿耆宿幾人在老我江鄉還自嗟世閒萬

事多翻覆陳蹟低徊難再續寄與聯吟舊侶知永州老

守

蓬心作

荊州督

秋帆節制湖湘

中元後二日同人泛泖登潮音閣迴舟王家灘

步月而歸得二十四韻

院宇雖閑邃端居礫闕闕招邀秋興發漂泊老身閒買

酒經葭市揚舲出柳灣爲浮圓泖水一上小金山

思翁題額

古佛棲塵土豐碑委草菅閣虛窮眺望塔峻勇躋攀試

問疏排始寧貽墊溺患三江通洩注大海走漩環菱葑

田非闢菰蒲利刃剛巨川吞漾漾新漲失潏潏

近時三泖太半

變爲蕩田矣

遠樹迷青薺遙峯斂翠鬢檣竿飛鷺外鼓角晚

鴉閒坐覺心神曠行愁足力孱波光明倏忽霞彩絢朱

殷萬頃方流汞孤輪漸損環潮頭隨鷁退帆腹學弓彎

高浪乘風破扁舟載月還杯斟鸚鵡綠香蕪鷓鴣斑琴

縵驚潛聽詩牌闕險艱深宵謀痛飲醉尉任嚴關朋好

金能斲生徒石不頑

王生蔚宗從遊

偶然露狂態亦足起衰顏

踏影燈休照敲門榻未慳

荆陳兩校官借宿顏秀才家

橫雲巖谷際

襟袖擬重扳

七月十九日遣興

斷續霑幽草飄揚亂暮茄畏風常掩戶冒雨更移花落
葉懸蛛網歸潮出鷺沙轉於閑寂裏喜不負年華

夜闌望星月

列宿森羅澹夕霏畫樓東壁半斜暉白榆天上幾時種
顧兔曉來何處歸猶憶鳳皇城裏照分明鵲鵲觀前稀
江干獨倚雕闌望四海誰人識少微

偕鶴霄白鷗池水閣小坐

豆本高於人稻畦深沒鶴竹杖閒霽景草徑礙行屨言
尋白鷗池到門通略約瑩瑩夾明鏡脫帽坐水閣翠柳
未凋零紅葉漸疎落臨流摘蓮子剝子先剝膜池邊就
釣翁買放觀魚樂驚魂尙未蘇欲去又重囑

飲楊柳汀

汝諸

家出其所藏宋元名蹟示客并

以亾兄

汝嘉

遺墨索題

柳汀家住東城東不村不市一畝宮洞房曲檻具窈窕
中有寶氣騰長虹世間名蹟亦有數孫陽意欲冀野空
倪之清閔項天籟千秋結習將毋同豈無朱繇道子託
未容鐵石逸少充宋元毫翰不脛翼感召來聚斗室中
講求裝褫選工匠鑒別名類爛僕僮紛綸卷軸出示客
令余眩轉迷雙瞳君才豪俊性疎放八法四格罔不工
揮灑自得造化妙豈可瑣屑箋魚蟲酒酣似聞微太息
一紙飛落翔雲鴻云是難兄初結構生年二十臨池功
陸機作賦世徒羨子安短命天所窮惜哉斯人若不死

筆力直可追羣公

謂所觀蘇米各蹟

我爲題詩燭花底庭樹撼

撼號秋風出門一語重叮囑慎勿誇向多牛翁

連日驟涼今朝暄熱散步庭院欣然作詩

陡嫌衣薄欲裝綿露白風清劇可憐處暑仍回木樨蒸

讀上聲方言如此

看花猶似海棠顛

庭中秋海棠極盛白者尤佳

事能隨遇

心何競人到無愁福已全日糴街頭米價減南歸喜見

兩豐年

查兄蔭林司教景寧書來有退休之意約於來

歲清明可圖會晤寄詩一篇以堅其志

竹一灣

兄所居地名

頭路年來數間津舅門徵世德經術得

傳人

令曾祖荊州公康熙間以五經及第卽余外公祖也

賤子諸孫列吾兄大雅

倫築宮需杞梓服輓困騏驎晚就儒官冷情甘本分貧
擅寒螢作伴地僻虎爲鄰巖壑青田近詩篇白傳新此
邦異鄒魯俗學藉陶甄祿米妻孥給連牀疾病呻吟生涯
原草草因問太頻頻老蚌珠沈月鰥魚目嚮晨難拋鵲
鰥累好把起居珍

兄連年喪偶及子婦所存者三幼孫耳疇昔萍蓬蹟乖

違十五春書成無使寄夢想有魂親忽枉仙都札來尋
泖水濱容顏應不識懷抱試重陳敢謂遺榮利初非學
隱淪宦途多反覆骨相判亨屯未習脂韋態聊全寵辱
身竿巡高鳳麥絲采季鷹尊甌遣琴離膝常教酒入脣
糧緣調鶴借車爲訪僧巾月旦生徒許風期長吏論烏
皮終日據華髮逐年勻浩蕩浮家樂空虛禮佛因羈提

寧忍垢蠅屈不求伸自笑邨夫子將儕邑細民雲間曾
返岫花落欲辭茵雞肋貪奚取鸞章報已申

舅氏已得
馳封

料應心似石更想鬢如銀遲暮逾周甲遄歸定撰辰田
園猶髣髴瘞葬可逡巡王謝衰門祚劉盧忝世嫻浮生
餘幾許相見話悲辛竹閣招傳琰花溪釣共緡索居況
搖落延佇對松筠

題張氏湖亭

背市臨流境亦偏彈碁讀畫興悠然往來估舶闌前過
燈火笙歌望若仙

白秋海棠

脈脈柔情已斷腸更堪泣露洗紅妝羞從號國呼爲婢

笑殺文君愛索郎淡到可憐方絕世生猶無色冝言香
素娥轉似相欺得幾度低迷認北牆

陰雨連旬省試士人不無霑溼之苦有懷支寅
春谷兩叔及院中諸子二首

莫信科場可得人我叨三十有三春至今癡叔家名士
猶抱寒儒席上珍身困泥塗垂老日文衝星斗獻書辰
蛟龍不是池中物得雨飛騰會有因

就中幾輩出羣賢曾向鱣堂費講研鵬路得風搏九萬
錐囊有穎脫三千雨聲下筆聽九楚燭影臨文照倍妍
早晚榮誇離席帽轉將笠屐畫圖傳

撫琴二首

撫琴因有悟不信右丞高琵琶已近俗何況鬱輪袍
但得琴中趣寧須指上聲讀書不求解此意師淵明

瞻橫雲六首

寧圃太守命侶遊山值大風雨有闕登陟迴舟談
譙分體賦詩

山不在高興往則過況此澤國巖岫無多瞻彼橫雲外
平中頗石骨陡峻林翠森羅

使君爲郡克剛克柔嘉禾被野四境無憂爰召賓徒以
邀以遊駕言晨邁檣機松舟

方舟容裔在河之渚神靈何意風饕雨怒迴波欲立落
葉如舞且行且止攀陟伊阻

舍清之堂歸然山麓踞勝領要林泉在目何必登峯履
幽杖曲隨遇而止事無不足

昔我來遊正逢秋禰籬迎新鞠巖送殘桂童冠偕從風
清月霽曾幾何時倏焉改歲

爾酒旣旨爾殽旣臧亦有絲竹歌聲孔長駢筵相對其
樂洋洋醉翁誰記今之歐陽

醉白池

沿溪植芳林叢生半桂樹欲援看竹例不必主人晤賞
花待其繁詎料風雨妒本爲訪桂來花已泥滓汚殘顛
落清尊猶似金屑雨池名義奚取云自白太傅當年蘇
郡守去聲焉得此閒駐名賢遊覽蹟往往多牽傅歐公未

仕杭六一泉偏署我今作寓公到處畱杖屨未知後視
今誰復識故步且盡手中杯安問恆沙數

雲月篇

明月自在天層雲乍出水雲去我百丈去天億萬里光
輝雙映射親切若尺咫目力無定形見遠不見邇月行
人不覺雲去疾如矢倏忽掠影過隱見相表裏但疑月
退走不道雲輕駛雲散月孤懸何嘗遽移徙白雲堆破
絮黑雲突羣豕遇黑月偏皎逢白月轉澤白豈蓋月面
黑豈入月底白溼而黑晴輕重固殊耳試看久雨天陰
氣白瀾瀾從無似漆雲逢逢向空起欲掩眸子瞭第須
睢以紙雙鏡羃玻瓈朗徹轉可喜騶衍不復作談天只

常理所見輒矜詫得毋近童子

黑小子歌爲張仲亭

類作并引

黑小子者京師盛酒器也狀如小瓶高三寸強劣容五十銖專貯燒春質脆薄易毀人皆賤之仲亭學博性嗜飲自號酒勾攜一器來江南以白金作舟若方印然薄如紙水火皆適于用復爲立傳文人游戲之筆亦足補觥記注所未備也穀人旣序酒勾圖余乃援筆作黑小子歌

黑小子爾家乃在幽都之北燕王臺誰人合土夏火化模範項領成形骸黝然其貌楊其腹非尊非壺非觥鬯青州豈識溫主簿紅友惟結麴秀才厥性敏黠便使令

煖寒瞬息離爐灰黑小子爾乃放勳氏之苗裔胡爲趨
炎附熱耽麴蘖致降阜隸齊輿儻臨邛未被相如滌荆
州不與去聲伯雅排長安市上傭保手攜持滿面生煤炭
但如執鞭之士廝養卒往往款洽情無乖春風駘蕩百
門開提壺盧叫心已摧鉏車寶馬逐花去自分淪落誰
能哀一朝遇酒句知已不用媒自從得小子朝不離手
暮不離口一日傾倒須千回摩挲直似暖老玉以角冠
頂銀作胎有時赴客召小子相隨來鷓鴣杓鸚鵡杯玳
筵綺席掛且讓居然位置忘麤材一篇佳傳倣毛穎世
系出處靡弗賅小子光寵得未有轉憶同類百千萬億
黃公壚畔多沈埋回頭語酒句叨君翦拂眞奇哉蛇銜

珠兮鬼結草我無以報空談哈祝君他生化作糟邱土
陶家搏弄偏提胚借君之腹盛白醅大如鷄夷滑稽挹
注無津涯小子從此逝不復長追陪

九月十三日空人五十生辰適有鬻琴者置以
爲壽侑之以詩

半百齊眉誇靜好卅年支戶賴辛劬雖貧較勝黔婁婦
顧我慙非德曜夫鸞詁昔曾霑邑號鹿車今已伴山
臞一彈再鼓堪偕老畱與兒孫作畫圖

病中偶述二首

吾衰今已甚一病遽如斯筆札教兒代陰晴問婢知百
千償藥餌三月廢琴詩早晚扶藜起梅花定滿枝

醫有尤膚筮瘡難剗肉爲寢偏求大藥誤或畏庸醫存
問親朋倦禱禳妻女癡古人言慎疾原狂未來時

謝寧圃惠人蓑

病似蘧廬壓棟楹蓑如巨木力扶傾一甌便費中人產
再拜還叨太守情頓有神功起衰疾不殊惠愛活疲羸
緇衣館粲尋常事風義真堪託死生

病中贈內

老去奚堪病骨支暗中調護少人知聞呼便應晨妝際
已寢猶興午夜時頻向藥罏加檢點偶如臉厠亦扶持
我無姬妾相寒暖不是君憐更有誰

擬樂天臥疾來早晚

悅親樓集

卷二十五

美

臥疾來早晚悠悠過十旬我難求本相天亦妒閑身藥
物何時斷憂懷誰與陳迎年兼送臘枯木盼陽春

悅親樓詩集卷二十五終

門人錢璟校字

悅親樓詩集卷二十六

癸丑

海寧祝德麟止堂

古今體詩四十九首

藥

蚩蚩上古飲天和底事神農設此科
嘗遍苦甘千百味活人常少殺人多

穫

好把黃金換紫團藥中周孔力扶孱
只愁手實青苗法誤讀書如玉半山

哭雨亭弟四首

畿望官聲領袖雄何來惡耗太恩恩
傳聞并在驚疑外

萬事都歸一哭中
展氏幾曾畱隱慝
羊斟有意喪成功
人生到死奚言福
今日方知貴考終

錢以刀名禍有胎
聰明寧未識囹圄
媒空煩酒祭臯陶鬼
未必詩成御史臺
白首同歸無賴子
黃金難贖不羈才
崔盧門祚衰頽甚
末路如君更可哀

果然瘕狗噬難料
風影幾連棣鄂彫
還與職金完貨罰
險從司寇問刑條
拏單可有與駢送
魂杳應無宋玉招
今日首邱歸葬路
運租舡上雨瀟瀟

聞喪附糧
艘而南

急難我自媿鴿原
花落真驚到溷藩
此世固知皆露電
當年曾與數晨昏
看燈燕市車同挽
把盞鄉園酒遞溫
諫草縱焚詩稿在
那堪含泪手重翻

余在臺日奏章詩
稿皆弟所代繕

聞鳥聲有感

飽食如何不用心病中相戒莫長吟詩懷不及關關鳥
被曉枝頭弄好音

遣婢子前庭探玉蘭

一病沈懔百六旬好樓居轉似仙人殷勤說與司花鳥
代往庭前去探春

疽發於尻閱半年矣春來轉劇感興成篇三首
行止與坐臥雞犬所同耳一朝病纏身百體頽如委非
宵亦伏枕欲食難倚几屬目飛走倫活潑盡可喜人壽
不滿百安能定年齒偃仰牀蓐閒雖生弗殊死妻孥與
命爭旦夕祝我起笑問黃齋菜列甕尙餘幾

往年官京朝所向輒坎坳登山車繫泥涉水舟傾舵富貴本儻來仕止無不可憊然棄組綬天其柰何我優游衡門下庶幾遠災禍親交知健在存問足感荷插柳未成陰種花待結果清福不易消得毋以此坐

庸醫難與謀以藥試人疾欲生是其心欲死是其術養癰誤優柔剜肉傷激烈昨朝易一醫辣手探虎穴徐夫人匕首濡縷挂熱血我如關壯繆伸臂聽刮骨痛定豈不思寡斷實前失縱收末路功補救策已拙

江寧丞耐園

伊湯安

來權松江守以詩見示奉

答

陪京綰綬領微聞

君初爲廣寧令擢寧遠牧剖竹仍來舊帝都六代

江山供嘯咏一舟琴鶴當妻孥愈風痛快言言藥時余久病
云落手光明字字珠不是詩人相邂逅可能傾蓋斷金
無

李隨軒廉使自京師來視其弟適寧圃權觀察
事移駐上海隔於一程未遽展接寄詩奉懷兼
簡寧圃

伯壘吹到五湖濱仲氏迎來滿境春父老流連當日
詔君昔被江蘇旌麾交替一家人征車獨下寒威滅大
被同眠樂事新可惜眞長憶元度未能扶病話前因

送兩兒州試

發軔初程去莫停傳家豈在一衿青汝曹毛羽須風力

先正文章有典刑漢試籀書九千字唐升禮部十三經
詩書不爲求名地但得佳音亦愛聽

輓曹秋漁

平時議論最飛揚此日絲桐響亦公燕領功名期定遠
君曾從軍金川軍鳶肩風骨想賓王驚心宦海帆能轉樂志家園
徑未荒似我交遊那忍憶杭州花月劍州霜

題查采潛觀荷圖二首

草閣臨池水氣涼芙蕖初發弄明妝自從傳有濂溪說
不怕人將比六郎

女兒顏色似花紅盪漿明漪夕照中紅粉紅衣渾莫辨
一齊香入水晶宮

題樹齋軍門竹窻聽雨圖

堂上何來鸞尾舞忽開絹素煙雲吐通侯閭闔重旂常
華嶽英靈作霖雨君家祖德篤忠貞勳伐千秋照汗青
延賞世承恩勿替防邊代有節專征白晳小侯年二
十詔書促召明光入鈎陳宿衛珥貂蟬上苑周陟陪
羽獵一旦旌麾解禁籙典兵遠適瀟湘渚休言杜牧
是塵才盡道畱侯如處女竭來開閭向明州斗大黃金
肘印收威望魚龍咸解避仁風草木不知秋疎簾清簟
無塵俗不愛笙歌愛卷軸誰伴欽寄磊落身庭前萬个
蒼筤竹無端倬傺作酸吟草閣苦廬罷鼓琴甘棠沾灑
軍民泪風樹低徊孝子心不堪耳畔聽蕭瑟漸瀝琤琮

疎復密志喜應殊坡老亭寫愁賴有文同筆臥轍難攀
節使輶祗憑珠玉贈生綃歸舟目斷咸陽樹送客魂銷
瓜步潮襟湖帶海三江地鎖鑰重來膺重寄壁壘還新
細柳營衙齋舊是文貞第小園泉石各標題中有筠廊
繞碧溪商飈拂處枝枝舉夜雨敲時葉葉低我來翦燭
西窗坐茶竈筆牀同唱和刁斗無譁好句成轅門十萬
貔貅臥喉鶴灘頭霽月明可憐人地踞雙清分明一樣
圖中景不似當初撥觸情淇澳詩人頌有斐威儀閑雅
真如此管弦跌宕謝東山裘帶風流羊叔子承平時世
燕閒年但把甘霖播海埏共羨將軍兼福慧底須圖畫

上陵煙

題戚芸生

寶硯齋圖

令祖瓶谷公諱麟祥康熙間官學士雍正元年出

聖祖遺硯頒賜翰林官公與焉研背有御製以靜爲用是以永年八字銘刻

弁山巖業茗溪碧中有人今談世澤戚姬開口昨移家
吾鄉袁化鎮有戚姬閨傳是戚家侍姬曾居此故名君由吳興遷此祇載松花一片石令祖當年侍

紫皇翰林學士擅文彙勘讎祕籍燒椽燭宣索詞頭直
玉堂尙方給札論思久一代遭逢信非偶
弓劍難攀軒帝尊其球逮賜

重華手琉璃匣貯碧琳腴背有龍跳虎臥書用靜永年
存寶訓摩抄泪滴玉蟾蜍當日傳觀動顏色後來什

襲加珍惜銀盃羽化竟何因合浦珠還定誰力
研失而復得

文孫作畫更名齋手捧拳拳弗去懷爲想
栢椿傳奕葉
有教牕几召三災

文思天子渺眾慮詔訪遺編區四庫華林錄略石渠賢
次第書成同奏御一時
願賚出瑰奇曾共羣寮拜玉
墀不數張華青鐵硯那論蘇軾紫薇詩而今淪老渾無
用輒影藜光猶入夢畢竟逢年在力田水坑火捺勤耕
種詞林掌故話

三朝華蓋星明逼九霄清美致身君等事鳳皇池上鳳
皇毛

題秀峯武夷吟草

入蜀未得遊峨嵋入閩未得遊武夷平生缺欠兩恨事

至今夢寐猶餘思名山洞天亦有數向禽雅尙非難追

芭鞦竹杖任探歷茲山或以僻遠遺近來袁

簡齋趙北

生頗好事贏糧不惜荆棘披新安汪子又繼往恰當八

月中秋期幔亭峯前一延佇逢迎錢鏗大小兒帝臺壺

觴正召宴錦帷霞帔光陸離麒麟之脯鳳皇腊曾孫擗

噉酣淋漓殘杯餘瀝倘丐汝不異沆瀣餐三危乘觶夏

溯溪九曲一重一掩逞怪奇仙船石匱虹橋板舉頭可

望不可躋造物偶然作兒戲狡獪莫受真靈欺神仙荒

幻但疑似山水蟠鬱無定姿才氣必與相抗敵乃敢放

膽攀嶽寄幾人到此換詩骨此君含笑雲中嗤君歸貽

我粟粒芽示我百首琳瑯詞烹茶展卷忽有得如聽賓

雲雅奏時

簡齋前輩爲余評定拙集并辱題一律荅謝三

十韻

尚有飛揚興皤然八十翁神仙非荀子耆舊是龐公早
謝冠裳路都存魏晉風文章羣玉府臚腑水精宮席白
千秋占名眞四海雄作家爭附驥薄技只雕蟲枉費
敲力多慙煅鍊功筆寧驅華嶽氣匪接洪濛食古形難
化誇多句未工丹雘羞楚鄙白豕笑遼東却荷鈞陶手
能輸誘掖忠康莊遵大道榛楛翦深叢籬下蹤休寄宵
分夢或通多師求轉益結習貴專攻欲遣孤標樹先期
放轍空眞銓規矩外天趣性情中語語皆砭疾者言足

啓矇褒題七字寵甘苦兩心同谷本虛懷似紗非老眼
籠豈惟微直諒猶是挹謙沖憶昨開詩社其誰辨律筩
蛙聲喧鼓吹爭響亂絲桐大雅流傳幾先生惠愛隆山
高徒仰止星運竟周終淮水移遊櫂淞江歇轉蓬相逢
何款款一別又怱怱余與公別十四年去歲承枉過芟柞將治穢繼穠
識取衷序應屬元晏承許作序香合奉南豐病久如潛蟄書
成託去鴻祝延兼爲我繼繼意無窮

附原作

袁枚

手編珠玉寄江東白首袁絲拜下風華嶽三峯隨筆
走混沌一氣接篇終分明任昉來天上何必王球定
侍中我品君詩似孫策有誰旗鼓鬪英雄

題小倉山房詩集十首

東方紅日照扶桑手攬麒麟下大荒我讀公詩如讀史
能兼才學識三長

筆鋒劒作雙龍化思路珠穿九曲通賸有三生情種在
不教一語古人同

七竅玲瓏萬象虛人文俱似馬相如却愁毛鄭功臣在
難注人間未見書

老斂才華境更寬波斯巨舶泛洪濶騰騰寶氣衝霄漢
不見珊瑚閒木難

樂死無過王右軍謝公所往妓隨身問君此福誰消得
不是青山卽美人

必逢岳牧句紛投
旨以諛辭結貴游
但向隨園門外過
公卿誰敢不低頭

一生清夢繞蓬壺
不愛王喬颺葉鳧
試問石渠金馬彥
百年來有此才無

七十勞筋恐漸疲
江山助已得新奇
猶嫌生面難開拓
台蕩羅浮踏險巇

泰山北斗推原邇
牛鬼蛇神詆亦苛
我與平心還檢校
虬蟬撼樹果然多

人人拔宅想昇天
似此長生乃有緣
畢竟尙餘才子氣
孫思邈是地行仙

題李墨莊

鼎元

陟岱圖

恆義樓集卷二十一
三大東方一巖巖仰岱宗未明紅日照不斷白雲封有
客隨飛鳥登山撫古松齊州煙九點沁入畫圖濃

和四客詞

井引

癸丑八月余病疽未瘥門人李墨莊檢討自京師
來甫入門而疾作藥鑪相對若楚囚然先是李尚
菁陽械諗養還川亦枉道造訪感蜀人氣誼之篤
喜通門會合之頻越二日吳穀人編修適至郡守
李寧圃亦翰林也因召集於海石堂是爲中秋後
一夕明月如晝芳醪若流余與墨莊俱自忘其病
體之支離也謝靈運云天下良辰美景賞心樂事
四者難并今昆弟朋友二三諸彥共盡之矣古來

此娛書簪未見每誦此文一再歎息良以調絲品
竹讌集非難聲應氣求遭值匪易僕託鶴鵲之一
枝參鵬鸞之廣座道義相接談諧不乖雖未敢誇
德星之聚殆亦庶幾鄴中之遊墨莊去後寄示四
客詞爰爲屬和并邀寧圃同作焉

一李來一李去汎梗飄蓬無定處一李至一李迎蟠根
仙樹柯條榮病夫如雞處甕中酸吟骨不禁秋風頻來
日下鸞坡客聽說鈞天曲未終吳生足臨青鸞羽遊戲
揚津及申浦撫景剛逢月露辰論心舊是神仙侶主人
開尊永今夕當筵但道酒杯窄何必維揚遇四公不羨
吳興有六客迴憶吾曹踐玉堂幾點粟粒儲神倉天涯

海角忽相值倍覺臭味添芬芳病夫蹶然興莫遏冰厓
枯木逢春活輩行應羞播粃糠門牆敢自矜衣鉢頭銜
當日盡瀛洲故蹟空勞覓磨牛況復賓雲容易散煙波
渺渺使人愁

秋懷六首

孤眠不成寐強起步庭院澄澄星漢移颿颿梧楸變大
化歸自然微妙不可見無窮出清新只在一氣轉

生機不暫停商令非專尅當其搖落時花葉已胎息句
芒尸其功元冥謝其職苟味貞元理但頌春陽德

秋物旣衰謝秋懷夫如何修名懼不立汲汲悲蹉跎大
賢建樹早寧揮積陽戈少壯如昨耳柰何忽忽過

商飈鳴不已中夜擾我病轉從喧聒中倍覺良宵靜反
已內媿生學道外緣競晨興對聖賢肅然自起敬
今人生並世不必皆友聲古人去我遠愛之夢寐形古
人知我愛九原詎能興古人不我知我念終怛怛
秋氣日夜深秋心更惻惻蟋蟀近牀吟絳緯當戶織精
神敵文史縱美曷補益古來賢達人青史何烜赫

睂峯郡丞之官汀州道出禾中余買舟就訪已
先一日解維矣追攀不及送之以詩三首

往歲青門路臨歧各泣然今朝西水驛把袂定流連望
急途偏左綠乖夢枉牽湖邊楊柳樹曾繫遠人船
亂木拱巖阿甌閩我舊過山程灘響急人語鳥言多丞

佐官原散邊隅俗易摩載將紅藥筆採訪細吟哦
兒女還同累鄉鄰暫結歡眉峯杭人與余爲兒女姻親病餘聞緩帶
途次勉加餐閱歷冰霜苦棲遲歲月寬此方鴻雁少書
札到應難

病已

似有瓜期限纔看病骨蘇形原如槁木體已少完膚神
技醫從詡夏生客改呼今年五十二銷算一年無

贈熊蔚亭按察

枚

三首

余生雖日晚猶及睹耆長南州數交舊前輩得其兩新
建尙書裘鉛山翰林蔣風度各瀟灑聲名俱臍蠶後來
遇夫子高山益首仰誦其場屋文字字琳琅響見面何

必多傾蓋愜心賞旌旄歷齊豫寤寐勞懷想昨者金閨
門華堂叨燕饗翦燭訴契闊銜杯話疇曩銀髯飄拂處
中有西山爽轉疑案牘煩豈獲煙霞養乃知道氣勝官
居絕塵埃莫思羊祜裘莫羨王恭筆冬日愛趙衰青天
見樂廣却媿孤蒲人繆引爲吾黨

心餘奇傑士詩才實陵跨能學昌黎豪好作灌夫罵與
君爲鄰里夙昔同文社旗鼓決兩雄未知誰健者文章
固小技制藝有爐冶國家設科目用以收儒雅士林孰
不爲爲而善者寡但期弋青紫疇復屏土苴惟君擅斯
筆下筆非苟且精心遊八極洪響叶九夏要由法脈眞
不患文辭假聖人倘復起起予歎商也酒闌出一編低

頌拜東野行見贊序中萬本競傳寫半部齊魯論足以
治天下君其本此意勤把金盞灑

虞廷庶喜起臯陶本詩人唐宋都官郎每張去聲騷壇軍

雅材妙諷詠致身乃等倫昔從爽鳩氏含香佐白雲今
來陳時臬檠戟三江濱憲臺異郎署任重責亦繁下以
表郡縣上以贊屏翰措施一失宐風氣隨轉圖君能持
大體綱紀何循循實力事興革虛懷廣諮詢至於理庶
獄式敬民無冤霜威雖烈烈中含春風溫君聞簡不疑
平反博親歡亦有于定國納駟大其門矜恤非稱德德
致福自申豈惟身壽考行當及子孫

入山

入山豈必深入林豈必密處世羞雷同亦忌皦皦節鳬
鷺自入行不失毛羽潔牆東王君公爾牛何咄咄

終年二首

終年鍊丹藥不遇喬與徐武陵避秦人世或謂神仙長
生無他術只自全其天且傾竹葉酒莫問桃花源
月魄有死生花枝有開落雖經屢變換從不失期約人
縱得輪迴已非舊軀尊不如花月閒終年飲酒樂

悅親樓詩集卷二十六終

甥袁步先校字